

ISTRAŽUJEMO Amerika podržava širenje najjačeg vojno-političkog saveza



Senator Lugar pozvao američkog predsjednika Obama da osigura jasan plan za pristup BiH na samitu u Čikagu • MAP može početi i prije jeseni

Dogovor o raspodjeli vojne i ostale državne imovine, kako procjenjuju eksperti u oblasti sigurnosti, mogao bi dodatno ubrzati priključenje BiH Sjevernoatlantskom savezu (NATO). Cijeni se da bi, prema najboljem scenariju, naša država već 2014. godine mogla postati 29. članica ovog najjačeg vojno-političkog saveza u svijetu!

Američki senator Dick Lugar (Dick) ovih dana je predstavio prijedlog zakona o proširenju NATO-a, opisujući ga kao „ključni element jačanja stabilnosti, zatim pokretanja političkih reformi među novim demokratijama srednje i istočne Evrope i Balkana“.

Američka pomoć

U ovom zakonskom rješenju, naime, prvi put se



Basiner: Optimističan scenarij

BiH, zajedno sa Crnom Gorom, Gruzijom i Makedonijom, označava aspirantom na ulazak u NATO. Također, naša država kvalificira se kao ona koja ispunjava uvjete za primanje američke pomoći za priključenje NATO-u. Lugar je pozvao američkog predsjednika Baraka Obama (Barack) da osi-



Hadžović: Široke reforme

gura jasan plan za pristup BiH i spomenutih država ovom savezu u maju na samitu u Čikagu.

Generalni sekretar Centra za sigurnosne studije (CSS) BiH Denis Hadžović kaže za „Dnevni avaz“ da je realno očekivati da implementacija Godišnjeg nacionalnog plana (MAP) za članstvo počne u septembru, dok bi na samitu NATO-a u Čikagu našoj državi, prema svemu sudeći, trebala biti ukinuta uvjetovanost za članstvo.

Taj Godišnji nacionalni plan tretira širu tematiku od same odbrane. Zapravo, samo jedna od pet kategorija tog plana tretira odbranu. To će, svakako, zahtijevati određene reforme, kako bi bile ispunje-

ne obaveze. Smatram da bi se za BiH, ako ispuni dva takva godišnja nacionalna plana, mogle stvoriti pretpostavke da podnese kredibilnu aplikaciju za članstvo - kazao je Hadžović.

Američki analitičar Kurt Basiner (Bassuener) u izjavi za naš list nagovještava da bi se aktiviranje MAP-a moglo desiti i prije jeseni.

Unutrašnja stabilnost

Ako dogovor šest predsjednika o vojnoj i državnoj imovini podrazumijeva ono što NATO traži, mislim da se odmrzavanje MAP-a može desiti već u Čikagu. Moram priznati da jeste ambiciozno govoriti o tome da BiH već 2014. godine postane članica, iako bih to prvi podržao. Ali, priključenje NATO-u podrazumijeva dostizanje određenih standarda - naglasio je Basiner.

On je napomenuo da u BiH mora biti osigurana unutrašnja stabilnost kako bi uslijedilo priključenje NATO-u. Smatra da je zbog svega toga važno da trupe EUFOR-a još jedno vrijeme ostanu u našoj zemlji.

A. DUČIĆ

Komentar dana

Piše: Mirela KUKAN (mirela@avaz.ba)



Ohrabrujuće poruke

Problemi se trebaju rješavati, ali mora biti jasno i da nema revizije prošlosti

Rješavanjem konkretnih ljudskih problema može se mnogo više uraditi i na pomirenju. Ohrabrujuća je to poruka s beogradskog sastanka ministra vanjskih poslova BiH Zlatica Lagumdžije, koja nosi nadu da uzajamne posjete zvaničnika Srbije i BiH više neće biti samo simbolične i deklarativne.

Svi su svjesni da se nagomilani problemi koji se tiču građana moraju početi rješavati, ali isto tako mora biti jasno da se revizija prošlosti, pogotovo one bliske i najbolnije za BiH, nikada ne smije dopustiti.

Zato vrijedi podržati i poruku da je za istinu i pomirenje potrebna pravda, ali isto tako vrijeme je i da se dobrom regionalnom saradnjom zemlje Balkana konačno okrenu ka poboljšanju svoje ekonomske situacije.

Bez toga nema boljeg života nikome osim destruktivcima, od kojih se mora

napraviti otklon. Samo takvim i pristupom srbijanskog distanciranja od ratno-huškačke i retorike pretendiranja na tuđe, možemo očekivati da će zvanične politike raditi u najboljem interesu građana obje zemlje. Bez preferiranja i privilegiranja samo jednog entiteta.

Lagumdžijina posjeta Srbiji nosi simboliku i u tome što se poklapa s godišnjicom smrti srbijanskog premijera Zorana Đinđića, čijom je likvidacijom prekinuto i poboljšanje odnosa zemalja regiona i demokratskih promjena. Saradnja BiH i Srbije u Đinđićevo vrijeme je bila vraćena u zvanične državne institucije, ali nakon njegove smrti, sve do sada nije bilo volje da se takva politika ponovo oživi. Stoga treba iskoristiti šansu i bez, kako reče Lagumdžija, velikih riječi, pokušati napraviti pomake važne za običnog čovjeka.

www.dnevniavaz.ba



PORTAL - komentar dana

Ministar Lagumdžija u provoj zvaničnoj posjeti Srbiji: Za istinu i pomirenje potrebna je pravda

Novi ministar pokazao je kako se trebaju ponašati prave i dobre komšije. Praznik za oči u odnosu na njegove prethodnike. Samo neka tako nastavi! (Karamazov)

Basiner: Dodik se natječe sa Srbijom

Komentirajući najave predsjednika RS Milorada Dodika o provođenju referenduma o NATO-u, Basiner je kazao da se „on svjesno natječe sa Srbijom u vezi s ovim pitanjem“.


Ako i bude potrebno, taj referendum mora biti organiziran na nivou BiH. No, to bi, politički gledano, bio problem. To bi bila nepopularna opcija - rekao je Basiner.

'Avaz' saznaje Briselska administracija napravila gaf

EU greškom objavila odluku o stupanju na snagu SAA sa BiH

Vijeće Evropske unije greškom je na svojoj internet-stranici objavilo dokument o stupanju na snagu Sporazuma o stabilizaciji i pridruživanju (SAA) s Bosnom i Hercegovinom, a potom ga hitno povuklo, saznaje „Dnevni avaz“!

Dokumentaciona služba briselske institucije 8. marta ove godine, uoči posjete bh. premijera Vjekoslava Bevanđe, objavila je u svojoj javnoj bazi službenih akata dokument pod nazivom „Odluka Vijeća EU, Evropske komisije i članica o zaključivanju Sporazuma o stabilizaciji i pridruživanju sa BiH“.



Faksimil odluke od 8. marta: Greškom objavljena

Faksimil od 13. marta: Poništava se gornja odluka

Sadržaj akta predstavlja tekst odluke najviših institucija EU kojom se odobrava stupanje na snagu SAA, ali znajući da BiH još nije ispunila uvjete te da još važi samo Privremeni sporazum o SAA, očito je da se radi o gruboj grešci.

Pet dana kasnije, 13. marta, na stranici je objavljen dokument pod istim nazivom, a u kojem samo kratko piše da se ranije objavljeni akt smatra „ništavnim i nevažećim“. Da se radi o tehničkoj pogrešci, potvrdili su nam i iz Službe Vijeća EU za odnose s javnošću, ne obražavajući preciznije kako je do nje došlo.

T. L.

Đoko NINKOVIĆ / TO JE TO

